



Regionalni centar Tuzla

Broj: 02/6-1/II-07-1-01/09-2

Tuzla; 24.12.2009 godine

Na temelju članka 66. Zakona o porezu na dodanu vrijednost („Službeni glasnik BiH“ broj 9/05, 35/05, 100/08), članka 127. Pravilnika o primjeni Zakona o porezu na dodanu vrijednost („Službeni glasnik BiH“ broj 93/05, 21/06, 60/06, 6/07, 100/07 i 35/08), te članka 8. Instrukcije o postupku uvođenju posebne šeme dužnika („Službeni glasnik BiH“ broj 35/08), Šef Grupe za prisilnu naplatu RC Tuzla rješavajući po službenoj dužnosti d o n o s i

R J E Š E N J E

1. UVODI SE POSEBNA ŠEMA DUŽNIKA KOKAPRODUKT d.o.o. društvo za peradarsku proizvodnju, sa sjedištem na adresi Armije BiH 5a u Gračanici, ID broj: 4209268210009, PDV broj: 209268210009, za dug na temelju poreza na dodanu vrijednost u iznosu od 116.265,90 KM.
2. Porezni obveznik – dužnik u svoje račune za isporuke unositi sljedeću klauzulu: **“Iznos PDV-a naveden u ovom računu plaća se Upravi sa pozivom na naš identifikacioni broj (PDV broj: 209268210009)“**.
3. Primalac isporuke - kupac plaća iznos PDV-a izravno Upravi i to do 5. u mjesecu za prethodni porezni period. U istom roku primalac isporuke - kupac dužan je dostaviti Upravi popis sa podacima za prethodno porezno razdoblje, za svakog registrovanog poreskog obveznika - dužnika sa:
 - Iznosom zadržanog PDV-a
 - Identifikacionim brojem isporučioaca dobara ili usluga
 - Identifikacionim brojem primaoca dobara ili usluga koji je zadržao iznos PDV-a.
4. Posebna šema se primjenjuje od dana objave u Službenom glasniku BiH.
5. Porezni obveznik - dužnik obavezan je da rješenje kojim se utvrđuje obveza plaćanja po posebnoj šemi istaknuti u poslovnim prostorijama na vidno mjesto zajedno sa uvjerenjem o registraciji za PDV.
6. Priziv ne odlaže ovrhu rješenja.
7. Ovo rješenje će biti objavljeno u „Službenom glasniku BiH“ i u tri najčitanije dnevne novine.

O b r a z l o ž e n j e

Grupa za prisilnu naplatu RC Tuzla po službenoj dužnosti a na osnovu činjenica utvrđenih u postupku prisilne naplate i stanja duga na kartici poreznog obveznika – dužnika KOKAPRODUKT d.o.o. iz Gračanice započela je postupak uvođenja dužnika u posebnu šemu radi obezbjeđenja naplate duga po osnovu poreza na dodanu vrijednost evidentiranog u programu Alice u iznosu od 116.206,90 KM od čega iznos od 98.444,00 po osnovu glavnog duga, iznos od 2.560,20 KM po osnovu 10% naknadnog tereta prinude i iznos od 15.261,70 KM po osnovu zatezne kamate na dan donošenja ovog rješenja.

U postupku prisilne naplate poreza na dodanu vrijednost, za svaki porezni period za koje je podnesena prijava samooporezivanja a ista nije izmirena u skladu sa člankom 39. Zakona o porezu na dodanu vrijednost, dužniku je izdat nalog za prisilnu naplatu na osnovu izvještaja o dugu. Shodno navedenom a temeljem odredbe članka 45. Pravilnika o provedbi zakona o postupku prisilne naplate indirektnih poreza („Službeni glasnik BiH“ broj 21/06) dana 01.06.2007. godine izdat je Nalog za pljenidbu cjelokupne postojeće i buduće imovine dužnika.

Sukladno odredbi članka 13. Zakona o postupku prisilne naplate neizravnih poreza u BiH („Službeni glasnik BiH“ broj 89/05) nije bilo moguće vršiti pljenidbe novčanih sredstava dužnika na blagajni a svi računi otvoreni kod banaka su blokirani. Dužnik je vlasnik nepokretne imovine koja je zaplijenjena na osnovu Pismene izjave o pljenidbi nepokretne imovine i predbilježba registrovana kod Zemljišnoknjižnog ureda Općinskog suda u Gračanici na osnovu Rješenja broj 027-0-Dn-07-001 336 od 11.10.2007. godine. Pljenidbom i prodajom jednog teretnog i jednog putničkog motornog vozila umanjen je dug dužnika za ukupan iznos od 36.910,00KM. Povrh toga, pljenidbom novčanih potraživanja dužnika izvršenom po prijedlogu dužnika, zaplijenjen je iznos od 1.389,80 KM.

Kako dužnik više nema imovinu čijom pljenidbom bi se dug mogao namiriti, nastavio je s poslovanjem usljed kojeg se dug kontinuirano uvećavao, a istovremeno nije poduzimao mjere u cilju izmirenja duga, stekli su se uslovi da Grupa za prisilnu naplatu sukladno odredbama članka 66. stav 3. Zakona o porezu na dodanu vrijednost i člana 127. stav 1. Pravilnika o primjeni Zakona o porezu na dodanu vrijednost započne postupak uvođenja posebne šeme dužnika „KOKAPRODUKT“ d.o.o. Gračanica.

Na dan donošenja ovog rješenja utvrđen je iznos duga od 116.265,90 KM a na osnovu izdatih naloga za prisilnu naplatu, prema sljedećoj tabeli (struktura i period iz kojeg potiče):

Red. br.	Razdoblje duga	Broj naloga za prisilnu naplatu	VRSTA DUGA/KM			Ukupan iznos duga/KM
			Glavni dug	Naknadni teret prisile	Kamata	
1	0807	02/5-1/II-16/85-5537/08			1.036,70	1.036,70
2	0808	02/5-1/II-16/85-6454/08	5.912,00		1.664,00	7.576,00
3	0809	02/5-1/II-16/85-7333/08	6.068,00		1.598,00	7.666,00
4	0810	02/5-1/II-16/85-8237/08	5.428,00		1.329,00	6.757,00
5	0811	02/5-1/II-16-85-9157/08	6.351,00		1.440,00	7.791,00
6	0812	02/6-1/II-16-197-313/09	6.509,00		1.355,00	7.864,00
7	0901	02/6-1/II-16-197-1484/09	5.705,00		1.082,00	6.787,00
8	0902	02/6-1/II-16/197-2597/09	4.767,00		824,00	5.591,00
9	0903	02/6-1/II-16-197-3639/09	12.221,00		1.884,00	14.105,00
10	0904	02/6-1/II-16-197-4789/09	3.400,00		461,00	3.861,00
11	0905	02/6-1/II-16-197-5871/09	5.384,00		633,00	6.017,00
12	0906	02/6-1/II-16-197-6959/09	6.020,00	90,60	600,00	6.710,60
13	0907	02/6-1/II-16-197-7998/09	6.165,00	616,50	499,00	7.280,50
14	0908	02/6-1/II-16-197-9033/09	5.954,00	595,40	372,00	6.921,40
15	0909	02/6-1/II-16/197-10083/09	6.027,00	602,70	268,00	6.897,70
16	0910	02/6-1/II-16-197-11148/09	6.550,00	655,00	169,00	7.374,00
17	0911		5.983,00		47,00	6.030,00
UKUPAN DUG			98.444,00	2.560,20	15.261,70	116.265,90

Na osnovu članka 3. stav 1. i 3. Instrukcije o postupku uvođenja posebne šeme dužnika Grupi za reviziju i kontrolu RC Tuzla dostavljena je inicijativa za kontrolu poreznog obveznika – dužnika sa točke procjene kategorija iz članka 5. iste Instrukcije.

Kontrolom koja je obuhvatila sva porezna razdoblja od 01.01.2006. do 30.09.2009. godine utvrđene su činjenice koje nedvojbeno ukazuju na potrebu i opravdanost uvođenja posebne šeme ovog dužnika a posebno iz sljedećih razloga:

- prema izvršenom uvidu u bilancu uspjeha poreskog obveznika – dužnika utvrđeno je da je isti ostvario prihode od prodaje i to:

- za period 01.01.-31.12.2006. godine ukupan prihod od 1.367.457,00 KM
- za period 01.01.-31.12.2007. godine ukupan prihod od 1.006.835,00 KM
- za period 01.01.-31.12.2008. godine ukupan prihod od 1.152.147,00 KM
- za period 01.01.-30.06.2009. godine ukupan prihod od 581.445,00 KM

- u postupku kontrole porezni obveznik je dao na uvid ugovore o kreditima s otplatnim planovima i to:

- Ugovor o kreditu broj 6749/06 od 28.12.2006. godine zaključen sa UPI bankom d.d. Sarajevo, filijala Gračanica na iznos od 5.189.275,06 KM sa rokom otplate od 10 godina i
- Odluku o preugovoravanju uslova i načina povratka kredita putem sudske nagodbe broj: 1552-VI/07 od 13.02.2007. godine kojom se odobrava reprogramiranje kredita Investicijske banke Federacije BiH d.d. Sarajevo iznosa od 3.342.925,89 KM sa rokom otplate od 10 godina

Na temelju utvrđenih činjenica sukladno odredbama članka 6. stav 1. a primjenom članka 8. stav 1. Instrukcije o postupku uvođenja posebne šeme dužnika Grupa za prisilnu naplatu RC Tuzla je dana 19.11.2009. godine dostavila poreskom obvezniku - dužniku KOKAPRODUKT d.o.o. pismo namjere, protokolirano pod brojem:02/6-1/II-07-1-01/09-1 kojim ga obavještava o iznosu duga i namjeri uvođenja posebne šeme u roku od 30 dana ako dužnik ne izmiri dug ili ne osigura adekvatnu garanciju za plaćanje duga, kako je propisano odredbom članka 128. stav 1. i 2. Pravilnika o primjeni Zakona o porezu na dodanu vrijednost. U pismu namjere dužniku je ukazano na obveze koje mu se stavljaju na teret uvođenjem u postupak posebne šeme, shodno odredbama članka 128. stav 3. Pravilnika o primjeni Zakona o porezu na dodanu vrijednost. Kako obveznik u ostavljenom roku nije uplatio dug ili osigurao adekvatnu garanciju za plaćanje duga, a dug se i dalje uvećavao u proteklih 30 dana odlučeno je da se na ovog obveznika primijeni posebna šema radi osiguranja naplate duga.

Pri donošenju odluke o uvođenju posebne šeme dužnika Grupa je odlučnim činjenicama cijnila: iznos duga koji se neprekidno uvećava, iznose kredita i obveze dužnika prema bankama i svojim dobavljačima u odnosu na njegova nesrazmjerno manja potraživanja, rizik naplate poreza na dodanu vrijednost iz imovine dužnika jer je na zaplijenjenoj nespokretnoj imovini dužnika upisana zakonska hipoteka i založno pravo a sve u cilju obezbjeđenja naplate duga prema drugim povjeriocima, povijesti ponašanja dužnika za sve protekle četiri godine. Kako je kontrolom poslovanja dužnika utvrđeno da isti ima milionske dugove po osnovu ugovora usljed čijih izmirenja može doći i do nesolventnosti pravnog lica, to je nespornim utvrđeno da je opravdano i neophodno uvođenje posebne šeme dužnika, pa je iz tih razloga odlučeno kao u dispozitivu ovog rješenja.

Primalac isporuke - kupac plaća iznos PDV-a izravno Upravi i to do 5. u mjesecu za prethodni porezni period gdje u polju „broj poreznog obveznika“ unosi PDV broj KOKAPRODUKT d.o.o. Gračanica i to: 209268210009.

Odredbom članka 66. Zakona o porezu na dodanu vrijednost propisano je da se odluka o uvođenju posebne šeme ne može primjenjivati na bilo kog primaoca isporuke – kupca prije njene objave te je ovim rješenjem određeno da se ista ima primjenjivati od dana objave u Službenom glasniku BiH.

Sukladno odredbama članka 128. stav 4. Pravilnika o primjeni Zakona o porezu na dodanu vrijednost, ovo rješenje će biti objavljeno u „Službenom glasniku BiH“ i tri najčitanije dnevne novine, a isto je poreski obveznik – dužnik obavezan istaći u poslovnim prostorijama na vidno mjesto zajedno sa uvjerenjem o registraciji za PDV.

Odredbom članka 137. stav 1. Zakona o postupku indirektnog oporezivanja („Službeni glasnik BiH“, broj 89/05), priziv ne odlaže ovrhu rješenja.

Pouka o pravnom lijeku

Protiv ovog Rješenja može se uložiti priziv prvostepenom organu u roku od 15 dana od dana prijema rješenja, neposredno ili poštom taksirana sa 10 KM administrativne takse u skladu sa tarifom Zakona o administrativnim taksama BiH („Službeni glasnik BiH“, broj 16/02,19/02,43/04,8/06 i 24/06).

Dostavljeno:

1. KOKAPRODUKT d.o.o. Gračanica
2. Grupa za reviziju i kontrolu
3. Sektor za poslovne usluge
Odsjek za upravljanje dugom (6x)
4. Grupa za prisilnu naplatu



Šef Grupe za prisilnu naplatu

Selma Salihović